

A Enzo

Enzo l'è ned tla su chesa, in campagna
tla parochia ad Varzien te ghet "Gaiofana"
e tra famea, scola e cisa l'ha crisù
sl'amour ad tot i su

Nun, ma la cisa a l'avem cnusù
quand sla su ma, l'anniva so
la dmenga immancabilment
un vidiva l'oura cl'arves che mument.

L'arveva ad cursa e us vistiva
perché ad fè e ciarghin ui pisiva
e zircheva sopra, qualcun cui fes e noud
e intent ma la zantura e tniva e doid.

Quant e vidiva disdoi tla benca la su ma
ui'anniva voia dandè zò ilà
per dei un bes, fei una carezza
e feva tenta tenerezza.

Durent la messa e vliva che un zcures nisun
un gni piasiva i burdil ciacarun
e sla zurma ui guardeva e feva stè zet
anche mi piò disculet.

L'era cuntent quant us canteva
e lò, al canzon, toti a memoria ul saviva
e preocuped e curiva zò per arcurdè
che uiera e padre nostro da cantè.

E partecipava mal festi e purtision
ui'era sopra anche al bindizion,
al campeni po', l'era la su pasion.
Insoma un mancheva mai una funzion.

Dal volti l'arveva tot rufid
sla faza scura, arabied,
ui vliva un po' aloura
per fel rid ancoura.

La su tartaieda cuntagiosa
La i'era d'una simpatea curiosa
e quand la burasca l'arveva
la parola l'an s'armidieva.

Enzo per tot, l'era un dla famea
e avem vù un gran dispiasoir per la su malatea.
Nonostent tot i dulur
fina te l'utmi le stè fort sigur.

Una masa iè annù a salutel
e dè de su funerel
tot la zenta che i la cnusù
i sé cumos, ia pianzù.

Anche se an gne l'avem mai det
ai'avem vlù ben tot
e ades che un gnè piò
a sl'immazinem i la so.

Cuntent e felice sicur
insen si su genitur
che chenta e padre nostro in mezz de paradis
per tot i su vergianis.

Romani Luisa

Vergiano 2008